

ՄԱՍՆԱՎՈՐ ՎԱՐԴԱՊԵՏԱԿԱՆ ԳԱՎԱՋԱՆԻ ԻՇԽԱՆՈՒԹՅԱՆ ՏՎԶՈՒԹՅՈՒՆ

Սույն թվականի ապրիլի 11-ին հոգևոր ձեմարանի հանդիսությունների դահլիճում, Վեհափառ Հայրապետի նախագահությամբ, տեղի ունեցավ վարդապետական թեզերի բանավոր պաշտպանություն:

Հանդիսությանը ներկա էին Մայր Աթոռի միաբանությունը, հոգևոր ձեմարանի դասախոսական կազմը, ուսանողությունը և բազմաթիվ հյուրեր:

Մայր Աթոռի երիտասարդ միաբաններ՝ հոգևոր ձեմարանի փոխտեսուչ Ս. Հայկապուն արեղա Նաջարյանը և Ռումինիայի հայոց հոգևոր հովիվ Ս. Արամայիս արեղա Շլուկյանը, նախապես իրենց թեզերը ներկայացրել էին Վեհափառ Հայրապետին: Նորին Սրբության հանձնարարությամբ կազմված հանձնաժողովը, որի կազմում էին Մայր Աթոռի դիվանապետ Ս. Ներսես եպս. Պոպապայանը (նախագահ), Մայր Աթոռի Միջեկեղեցական հարաբերությունների բաժնի ընդհանուր քարտուղար, հոգևոր ձեմարանի դասախոս պարոն Պարզև Շահբապյանը և հոգևոր ձեմարանի դասախոս, բանասիրական գիտությունների թեկնածու, դոցենտ պարոն Պետրոս Բեդիրյանը, քննելով թեզերը, իրենց վեկուցագիրը ներկայացրել էին Վեհափառ Հայրապետին:

Հանդիսությանը բացման խոսքով հանդես եկավ Ս. Ներսես եպս. Պոպապայանը: Այնուհետև հանձնաժողովի անդամ Պետրոս Բեդիրյանը ներկաների ուշադրությանը ներկայացրեց հանձնաժողովի գրավոր կարծիքը Ս. Հայկապուն արեղա Նաջարյանի թեզի վերաբերյալ:

Առաջինն իր թեզի բանավոր պաշտպանու-

թյամբ հանդես եկավ Ս. Հայկապուն արեղա Նաջարյանը:

Նրա աշխատանքի թեման էր՝

«Ճգնավորական և վանական շարժումների կազմավորումն ու վարձագումը մինչև Ե դարի Ա կեսը»:

Աշխատությունը ուներ հետևյալ գլուխները.

ա) Երկու խոսք.

բ) Հայաստանում քրիստոնեության տալիսման նախապայմանները.

գ) Հայաստանում ճգնավորման շարժման հետքերը մինչև Դ դարի առաջին կեսը.

դ) Մար Ավգինը, Հակոբ Մծբնա հայրապետը և նրանց գործունեությունը Հայաստանում.

ե) Եվստաթեոս Սեբաստացին, Բարսեղ Սեծը և վանական կյանքի կազմավորումը Հայաստանում.

զ) Վանականությունը Հայաստանում ըստ «Վարք Մաշտոցի»:

Հայկապուն հայր սուրբի թեզի պաշտպանությունից հետո հանձնաժողովի անդամ Պարզև Շահբապյանը ներկայացրեց Ս. Արամայիս արեղա Շլուկյանի թեզի վերաբերյալ հանձնաժողովի կարծիքը: Ապա իր թեզի բանավոր պաշտպանությամբ հանդես եկավ Ս. Արամայիս արեղա Շլուկյանը:

Նրա աշխատանքի թեման էր՝

«Ս. Կյուրեղ Ալեքսանդրացու այժմեությունը»:

Աշխատությունը ուներ հետևյալ գլուխները.

ա) Նախաբան.

բ) Ս. Կյուրեղ Ալեքսանդրացու ուսմունքի մասին.


գ) Հայաստանյայց Եկեղեցու դիրքորոշումը

և նրա ուսմունքը քրիստոսաբանության հարցում.

դ) Վերջաբան:

Թեպետի բանավոր պաշտպանությունից հետո Ս. Ներսես եպս. Պոպապալանը հրապա-

օրհնության խոսքն ուղղեց իրենց թեպետը հաջողությամբ պաշտպանած երկու երիտաւարդ արեղաներին՝ գնահատելով նրանց կատարած աշխատանքը և մաղթելով, որ «...նրանցից ամեն մեկն իր միջավայրում, իր



Մի պահ մասնավոր վարդապետական գավազանի իշխանության տվչության արարողությունից

րակեց հանձնաժողովի դրական կարծիքը՝ երկու արեղաներին վարդապետական աստիճան շնորհելու մասին:

Այնուհետև, հանդիսության վերջում, Վեհափառ Հայրապետը Իր շնորհավորանքի և

պայմաններում առավելագույն աշխատանքի եռանդը ներդնի Հայ Եկեղեցու պայծառության համար»: Վերջում Նորին Սրբությունը հույս հայտնեց, որ նրանք «միշտ կմնան ուխտապահ զինվորները Հայ Եկեղեցու և Մայր

Աթոռ Ս. Էջմիածնի, կլինեն նվիրված սպասավորները մեր հավատացյալ ժողովրդի»:

Հաջորդ օրը, ապրիլի 19-ին, ժամը 12-ին, Օշականի Ս. Մեսրոպ Մաշտոց եկեղեցում սկսվեց «Կանոն մասնատուր իշխանութեան» վարդապետական տվչության կարգի արարողությունը:

Վեհափառ Հայրապետի բարձր կարգադրությամբ Ս. Հայկապոն արեղա Նաջարյանի և Ս. Արամայիս արեղա Շուկյանի վարդապետական աստիճանների շնորհումը կատարեց Ս. Ներսես եպ. Պոպապայանը: Արարողությանը ներկա էին Ս. Հուսիկ արքեպ. Սանթրոյանը, Ս. Մովսիս վրդ. Սարգսյանը, Ս. Հովսեփ արեղա Հակոբյանը, Ս. Եղիշե քին. Բաղդասյանը, Ս. Արտակ քին. Սիմոնյանը և Ս. Նարեկ քին. Մատարյանը:

Արարողության ավարտին Ս. Ներսես եպ. Պոպապայանը հետևյալ բովանդակալից խրատական ուղղեց նորընծա վարդապետներին.

«Յանուն Հօր եւ Որդւոյ եւ Հոգւոյն Սրբոյ ամեն»:

«Ուխտս դիք և կատարեցեք»:

Սիրելի նորընծա միաբանակից եղբայրներ, Գեղեցիկ ու սրտագրավ մի առիթով է, որ հավաքվել ենք Օշականի Ս. Մեսրոպ Մաշտոցի անվան եկեղեցում, հովանու ներքև քրիստոնեական Եկեղեցու մեծ Վարդապետի՝ Հիսուս Քրիստոսի, և նրա արժանավոր աշակերտի՝ Հայաստանյայց Եկեղեցու երախտավոր Ս. Մեսրոպ Մաշտոց եռամեծ վարդապետի:

Մայր Աթոռ Ս. Էջմիածնի միաբանության համար գեղեցիկ ավանդություն է դարձել ամեն անգամ գալ այս սրբավայրը, ծնրադրել սուրբ վարդապետի շիրիմի առջև՝ ստանալու համար այստեղ վարդապետական աստիճան և այդ առթիվ վերանորոգելու ուխտը՝ հավատարմորեն ծառայելու Հայ Եկեղեցուն և հայ մշակույթին: Նույն ճանապարհով և դուք, սիրելի հոգևոր եղբայրներ՝ Ս. Հայկապոն արեղա Նաջարյան և Ս. Արամայիս արեղա Շուկյան, եկել եք այսօր այստեղ, այս սրբական վայրում՝ ստանալու աստվածային և երկնավոր շնորհը վարդապետելու:

Քսանմեկ տարիներ առաջ էր, 1962 թվականին, երբ մեր հերթին մենք էլ՝ չորս արեղաներ, մեր երիտասարդական տիող ծաղկման սկզբին, ձեզ նման եկանք այս սուրբ խորանի առջև ծնրադրելու և ստանալու՝ ի Տեր հանգուցյալ և բարեհիշատակ Գերաշնորհ Ս. Հայկապոն արքեպիսկոպոս Աբրահամյանի ձեռամբ, մասնավոր վարդապետության չորս աստիճանները:

Ժամանակները փոխվեցին, տարիներն անցան: Այժմ զարմանքով եմ նկատում, որ

հերթը հասել է ինձ՝ տրուպիս վարդապետաց, փոխանցելու Սուրբ Հոգու շնորհները ձեզ:

Շիրիմի տակ անթաղ ու շիրիմից դուրս ապրող մշտակենդան շունչը Մեսրոպյան՝ թող ուժ և իմաստություն շնորհի ձեզ. լցոնե՛ք նրանով ձեր էությունը և հերկեցե՛ք բանական անդաստանները մեր որդիների՝ լինելով «մշակք առանց ամօթոյ»: Ամեն մեկ հայ վարդապետի վեղար՝ նրա կյանքի նավի առագաստն է, նրան հեռու-հեռուները քարկտյան տանող: Կյանքը հարաշարժ ծով է և փոթորկուն օվկիան, հողմերը՝ սաստկաշունչ, փորձությունը՝ անխուսափելի, նկուն հոգիների համար. եղե՛ք հավատքով ու նվիրումով լի անհողողող նավորդիներ այդ ալեկոծ օվկիանում:

Նույն այս եկեղեցում էր, ինչպես վերևում նշեցի, որ չորս արեղաներ վարդապետելու իրավունք ստացանք: Այդ խմբից միայն ես մնացի: Իմ ընկերների նավերը խորտակվեցին. ոմանք ավազախրվեցին, ոմանք խառակների ընդհարվեցին և ոմանք էլ կյանքի վայելքներից հրապուրված՝ ալիքների մեջ ընկնու՛ղվեցին:

Այս առթիվ ցանկանում եմ մեկ խորհուրդ տալ ձեզ. ամեն անգամ, երբ փորձության պահը հասնի, և կյանքը ձեզ համար դառնա ռառն ու դաժան և ծառայության լուծը՝ անբերելի, նայեցե՛ք վե՛ր՝ Գողգոթայի բարձունքի խաչյալին, որպեսզի նա ձեզ ուժ պարգևի, նայեցե՛ք վե՛ր՝ Լուսավորչի հավատարմարժ կանթեղին՝ կապողյր ստանալու նրանից: Կյանքում միշտ փնտրեցե՛ք ավսիվն ու բարին, վեհն ու գեղեցիկը՝ դրանցով նորոգելու ձեր ծառայության ուխտը, որ եղավ նաև ուխտը Հայաստանյայց Եկեղեցու բոլոր եռամեծ վարդապետների ու լուսավոր, պայծառ դեմքերի:

Տալիս եմ ձեզ վարդապետական այս գավապնը, նմանությամբ Մովսեսի գավապանի, որով նա առաջնորդեց իր ժողովրդին դեպի խաղաղություն: Տալիս եմ այն՝ անապատում բարձրացված Եղնձյա օձի գավապանի նմանությամբ, որպեսզի նրանով մխիթարություն պարգևեք տառապող հոգիներին: Բայց տալիս եմ այն՝ հատկապես խաչափայտի խորհրդով, որպեսզի ծառայության ու զոհողության ճամփով հասնեք գերագույն հաղթանակին ի Տեր մեր Հիսուս Քրիստոս:

Բա՛ց են կյանքի դռները ձեր առաջ. նե՛րս մտե՛ք՝ փնված հավատքով և իմաստությամբ: Բարի ճանապարհ, հաջողություն և Տերն ընդ ձեզ: Ամեն»:

Վերադառնալով Մայր Աթոռ՝ նորընծա վարդապետները ներկայացան Վեհափառ Հայրապետին՝ ստանալու նրա հայրական օրհնությունը: Նորին Սրբությունը նրանց

պարգևատրեց վարդապետական լանջախաչերով:

Տ. Հայկազուն վարդապետ Նաջարյան
Ավագանի անունով՝ Վրենժ:



Ծնվել է 1952 թ. Հալեպում: Նախնական կրթությունը սկսելով ստացել է Բեյրութի Թեքեյան, իսկ հետո Հովակիմյան-Մանուկյան վարժարաններում: 1967 թ. ընդունվել է Մայր Աթոռ Ս. Էջմիածնի հոգևոր ճեմարան և ավարտել այն 1973 թ.: Սարկավագ է ձեռնադրվել 1972 թ.:

1974—1975 թթ. բարձրագույն աստվածաբանական ուսումն է ստացել Քենթրբերիի Ս. Օգոստին քոլեջում՝ հետևելով հովվական աստվածաբանության դասընթացներին: 1975—1978 թթ. ուսումը շարունակել է Լոնդոնի համալսարանի Քինգս քոլեջում և ավարտելուց հետո ստացել է «Պսակավոր աստվածաբանության» աստիճան՝ պատվո հիշատակությամբ: 1978—1979 թթ. հաճախել է Շոտլանդիայի Ս. Անդրեաս համալսարանը: 1979—1981 թթ. ծառայել է որպես հոգևոր հովիվ լոնդոնահայ գաղութի Ս. Պետրոս եկեղեցում: 1981 թ. վերադարձել է Մայր Աթոռ

Ս. Էջմիածին և Վեհափառ Հայրապետի կարգադրությամբ հոգևոր ճեմարանում դասավանդում է կրոնական առարկաներ՝ միաժամանակ վարելով փոխտեսչի պաշտոն:

Տ. Արամայիս վարդապետ Շլուկյան
Ավագանի անունով՝ Արա:



Ծնվել է 1957 թվականին Բուխարեստում, որտեղ և ստացել է իր նախնական և միջնակարգ կրթությունը: 1974 թվականին ընդունվել է Մայր Աթոռի հոգևոր ճեմարանը և ավարտել է 1980 թ.: 1978 թ. ձեռնադրվել է սարկավագ, իսկ 1981 թվականին ուղարկվել է Ռումինիա և նույն թվականին ձեռնադրվել կուսակրոն քահանա: Ներկայումս ծառայում է հյուսիսային Ռումինիայի հայկական գաղութում որպես հոգևոր հովիվ:

*
* *

«Էջմիածին» ամսագրի խմբագրությունը ջերմորեն ջնորհավորում է Մայր Աթոռի նորընծա երիտասարդ միաբաններին մասնավոր վարդապետական իշխանություն ստանալու առիթով և ցանկանում նրանց հետագա արդյունավետ հոգևոր գործունեություն ի փառու Հայ Առաքելական Եկեղեցու: